

UNIVERZITET U SARAJEVU
FILOZOFSKI FAKULTET

02-06/77

6. 10 20 4

UNIVERZITET U SARAJEVU
FILOZOFSKI FAKULTET
02-06/77-1
8. 10 21

Održano u kuluži
06.10.2021

Vijeće Fakulteta
08.10.2021

UNIVERZITET U SARAJEVU - FILOZOFSKI FAKULTET
ODSJEK ZA HISTORIJU

Komisija za izbor višeg asistenta za PODRUČJE (OBLAST): *HUMANISTIČKE NAUKE, POLJE: HISTORIJA*, GRANA: *SVJETSKA I BOSANSKOHERCEGOVAČKA HISTORIJA - SREDNJI VIJEK* (predmeti: *Rani srednji vijek, Kasni srednji vijek, Jugoistočna Evropa u ranom srednjem vijeku, Jugoistočna Evropa u kasnom srednjem vijeku, Bosna u ranom srednjem vijeku, Bosna u kasnom srednjem vijeku, IP Bosansko kraljevstvo i Osmansko carstvo, IP Vlasi u srednjovjekovnoj Bosni, Odnos crkve i države u srednjem vijeku, Srednjovjekovna civilizacija, Bosansko društvo u srednjem vijeku, Trgovina u srednjovjekovnoj Bosni, IP Stećci, IP Bosanska heraldička baština*), *UVOD U HISTORIJSKU NAUKU I POMOĆNE HISTORIJSKE DISCIPLINE* (predmet: *Pomoćne historijske discipline*), na Odsjeku za historiju Univerziteta u Sarajevu - Filozofski fakultet.

Poziv na broj: 03-02 / 672
Sarajevo, 29. 9. 2021.

UNIVERZITET U SARAJEVU – FILOZOFSKI FAKULTET
VIJEĆU FILOZOFSKOG FAKULTETA

SENATU UNIVERZITETA U SARAJEVU

Na osnovu člana 106, 107. i 135. Zakona o visokom obrazovanju (Službene novine Kantona Sarajevo, broj: 33 / 17), člana 104. i 205. Statuta Univerziteta u Sarajevu, broj: 01-1093-3-1/18 od 28.11. 2018, Odluke Vijeća Filozofskog fakulteta Univerziteta u Sarajevu o raspisivanju konkursa za izbor akademskog osoblja u akademski zvanja, broj: 02-01/214 od 31. 5. 2021. godine, Odluke Senata Univerziteta u Sarajevu o davanju saglasnosti na raspisivanje konkursa za izbor akademskog osoblja, broj: 01-9-62/21 od 30. 6. 2021. godine, prijedloga Odsjeka za historiju, broj: 02-06/68 od 14. 9. 2021. godine, mišljenja sekretara Fakulteta, broj: 03-02/638 od 23. 9. 2021. godine te Odluke Vijeća Filozofskog fakulteta Univerziteta u Sarajevu, broj: 02-01/342 od 28. 9. 2021. izabrana je sljedeća Komisija za izbor višeg asistenta za PODRUČJE (OBLAST): *HUMANISTIČKE NAUKE, POLJE: HISTORIJA*, GRANA: *SVJETSKA I BOSANSKOHERCEGOVAČKA HISTORIJA - SREDNJI VIJEK* (predmeti: *Rani srednji vijek, Kasni srednji vijek, Jugoistočna Evropa u ranom srednjem vijeku, Jugoistočna Evropa u kasnom srednjem vijeku, Bosna u ranom srednjem vijeku,*

Bosna u kasnom srednjem vijeku, IP Bosansko kraljevstvo i Osmansko carstvo, IP Vlasi u srednjovjekovnoj Bosni, Odnos crkve i države u srednjem vijeku, Srednjovjekovna civilizacija, Bosansko društvo u srednjem vijeku, Trgovina u srednjovjekovnoj Bosni, IP Stećci, IP Bosanska heraldička baština), UVOD U HISTORIJSKU NAUKU I POMOĆNE HISTORIJSKE DISCIPLINE (predmet: *Pomoćne historijske discipline*), na Odsjeku za historiju Univerziteta u Sarajevu - Filozofski fakultet u sastavu:

1. Dr. **Esad Kurtović**, doktor historijskih nauka, redovni profesor na Odsjeku za historiju Univerziteta u Sarajevu - Filozofski fakultet, za oblast Svjetska i bosanskohercegovačka historija-srednji vijek, predsjednik,
2. Dr. **Emir Filipović**, doktor historijskih nauka, vanredni profesor na Odsjeku za historiju Univerziteta u Sarajevu - Filozofski fakultet, za oblast Svjetska i bosanskohercegovačka historija-srednji vijek, član,
3. Dr. **Zijad Šehić**, doktor historijskih nauka, redovni profesor na Odsjeku za historiju Univerziteta u Sarajevu - Filozofski fakultet, za oblast Svjetska i bosanskohercegovačka historija-novi vijek i savremeno doba, član,

Konkurs je objavljen u dnevnom listu „Oslobođenje“, na WEB stranici Univerziteta u Sarajevu i Filozofskog fakulteta Univerziteta u Sarajevu, dana 30.7. 2021, a zaključen je dana 13.8. 2021. godine. Na objavljeni konkurs prijavio se jedan (1) kandidat: Almir Peco, magistar historije - nastavni smjer, čija je prijava potpuna i blagovremena.

Uvidom u priloženi materijal, Komisija je konstatala da se prijava kandidata Almira Pece može uzeti u razmatranje i ima čast Vijeću podnijeti sljedeći

IZVJEŠTAJ

Almir Peco Osnovno obrazovanje završio je u Turbetu, a srednjoškolsku naobrazbu, Filološku gimnaziju uspješno je pohađao u Mješovitoj srednjoj školi u Travniku. Dalje školovanje nastavio je na Odsjeku za historiju Filozofskog fakulteta Univerziteta u Sarajevu. Prvi ciklus studija završio je 2014. godine sa prosječnom ocjenom 8,81 i uspješno odbranjenim dodiplomskim radom. Na istom odsjeku upisao je i drugi ciklus studija koji je završio sa prosječnom ocjenom 9,33. Godine 2017, na Odsjeku za historiju Filozofskog fakulteta u Sarajevu uspješno je odbranio i magistarsku tezu pod naslovom „Dubrovačke kolonije u srednjovjekovnoj Bosni“. Dalje

obrazovanje nastavio je na Filozofskom fakultetu Sveučilišta u Zagrebu gdje je u novembru 2018. upisao doktorski studij na oblasti Predmoderna povijest. Uspješno je završio sve ispitne obaveze na doktorskom studiju sa prosjekom odličan. Nakon uspješno odbranjenog projekta teme doktorske disertacije novembra 2020. Senat Sveučilišta u Zagrebu prihvatio je Pecinu temu doktorske disertacije pod naslovom „Ekonomika bosanskih velikaša u 14. i 15. stoljeću“.

Prvo radno iskustvo Almir Peco stekao je u okviru pripravničkog staža kao profesor u „Mješovitoj srednjoj školi Travnik“ u Travniku u školskoj 2017/2018. godini. Od februara 2018. zaposlen je kao asistent na Odsjeku za historiju Filozofskog fakulteta Univerziteta u Sarajevu na oblasti Svjetska i bosanskohercegovačka historija - srednji vijek. Kompletan izborni period proveo je u zvanju asistenta na sljedećim predmetima: *Opća historija ranog srednjeg vijeka (V-XI st.)*, *Historija jugoistočne Evrope u ranom srednjem vijeku*, *Bosna u ranom srednjem vijeku*, *Crkva bosanska – IP*, *Odnos crkve i države u srednjem vijeku*, *Bosansko društvo u srednjem vijeku*, *Trgovina u srednjovjekovnoj Bosni*, *Opća historija razvijenog i kasnog srednjeg vijeka (XII-XV st.)*, *Bosna u razvijenom srednjem vijeku*, *Smrt u srednjem vijeku - IP*, *Stećci– IP*, *Rani srednji vijek*, *Kasni srednji vijek*, *Pomoćne historijske discipline*). Kao saradnik na spomenutim predmetima primjerno je držao vježbe, seminare i konsultacije pod nadzorom predmetnih nastavnika.

U svom stručnom i naučnom osposobljavanju krajem 2018. uspješno je završio šestomjesečnu obuku *Uči, misli i djeluj! za odrasle* koju je organizirao Institut za razvoj mladih KULT Sarajevo, namijenjena za razvijanje kompetencija potrebnih za uspješno planiranje i realizaciju procesa učenja i podučavanja zasnovanog na principima iskustvenog učenja, korištenju učinkovitih i relevantnih metoda i strategija podučavanja za stvaranje sigurnog i stimulativnog okruženja. U organizaciji dokorskog studija Predmoderna povijest na Filozofskom fakultetu u Zagrebu 2019. sudjelovao je na okruglom stolu *Venetian Topics from Late Antiquity to the Late Middle Ages*, kao i okruglom stolu *Točke konvergencije i ishodišta utjecaja na sjevernom Jadranu*. U periodu 2019-2020, sudjelovao je u naučnoistraživačkim projektu koji je finansiralo Federalno ministarstvo za nauku i obrazovanje pod nazivom „Izvori za historiju srednjovjekovne Bosne/Diversa Notariae Dubrovačkog arhiva)“ kao mladi istraživač u radu sa neobjavljenom arhivskom građom Državnog arhiva u Dubrovniku. Pecina uža profesionalna orijentacija usmjerena je ka općoj evropskoj historiji srednjeg vijeka, latinskoj paleografiji, a posebno društvenoj historiji srednjovjekovne Bosne, bosanskom plemstvu i njegovim ekonomskim aktivnostima. Tokom dugogodišnjeg rada sa učenicima i studentima stekao je dobre komunikacijske i organizacijske vještine organizirajući nastavne

aktivnosti i seminare. Aktivno se koristi i služi engleskim jezikom. Oženjen je i ima jedno dijete.

Almir Peco objavio je jedan rad i tri prikaza. Predstavljajući se kao obrazovan djelatnik na polju latinskog jezika i latinske paleografije recenzirao je knjigu posvećenu neobjavljenim izvorima Dubrovačkog arhiva (*Esad Kurtović, Ispisi građe za historiju srednjovjekovne Bosne: Lamenta de foris- Tužbe kaznenih djela učinjenih izvan grada, Svezak IV, 1419-1422, Državni arhiv Dubrovnik, Sarajevo 2020*).

Radovi:

- 1) The 1444 Treaty between King Alfonso V of Aragon and Grand Duke Stjepan Vukčić, *Journal of the Faculty of Philosophy in Sarajevo (History, History of Arts, Archeology)*, 7 (2) (2020) 59-80.

U radu, kategoriziranom kao izvorno naučno ostvarenje izvršena je analiza sporazuma između aragonskog kralja Alfonsa V. i velikog vojvode bosanskog Stjepana Vukčića Kosače od 19. februara 1444. Sporazum je rezultat političkih i vojnih okolnosti u kojima su se prepleli lokalni interesi bosanskog velmože i vanjskopolitički planovi i ambicije najmoćnijeg mediteranskog vladara. Na ovom mjestu su ponuđena nova tumačenja, novo čitanje i prijevod sporazuma u egdotički primjerenoj izvedbi.

Prikazi i osvrti:

- 1) Carlo Carraro, Giovanni Favelo: Benedetto Cotrugli - *The Book of the Art of Trade: With Scholarly Essays from Niall Ferguson, Giovanni Favero, Mario Infelise, Tiziano Zanato and Vera Ribaudó*, Palgrave Macmillan 2017, str. 244 u: *Radovi Filozofskog fakulteta (Historija, Historija umjetnosti, Arheologija)* 6 (2019), 268-271.
- 2) Esad Kurtović, *Iz povijesti dubrovačkoga zaleđa*, Ogranak Matice hrvatske u Dubrovniku, Dubrovnik 2018, 247 str. u *Bosna Franciscana* 49 (2018), 437-441
- 3) Emir O. Filipović, *Bosansko kraljevstvo i Osmansko carstvo (1386-1463)*, Sarajevo: Orijentalni institut Univerziteta u Sarajevu, Sarajevo 2019, str. 556 u: *Radovi Filozofskog fakulteta (Historija, Historija umjetnosti, Arheologija)* 7 (1) (2020), 215-218.

PRIJEDLOG ODLUKE KOMISIJE S OBRAZLOŽENJEM

Sagledavajući materijal u Izvještaju i uzimajući u obzir uvjete za napredovanje koji su određeni Zakonom o visokom obrazovanju Kantona Sarajevo i Statutom Univerziteta u Sarajevu,

Komisija je mišljenja da je kandidat Almir Peco širim angažmanom u nastavnom procesu, radu na doktorskom studiju, učešću u projektu u radu na neobjavljenoj arhivskoj građi, stručnim usavršavanjem naročito u radu sa izvorima prvog reda i objavljenim radovima pokazao značajan interes za daljnje bavljenje historijskom naukom. Stoga, u skladu s prethodno navedenim informacijama u Izvještaju, Komisija za izbor višeg asistenta sa zadovoljstvom predlaže Vijeću Filozofskog fakulteta Univerziteta u Sarajevu, kao i Senatu Univerziteta u Sarajevu da izabere Almira Pecu, magistra historije - nastavni smjer, u zvanje višeg asistenta za PODRUČJE (OBLAST): *HUMANISTIČKE NAUKE*, POLJE: *HISTORIJA*, GRANA: *SVJETSKA I BOSANSKOHERCEGOVAČKA HISTORIJA - SREDNJI VIJEK* (predmeti: *Rani srednji vijek, Kasni srednji vijek, Jugoistočna Evropa u ranom srednjem vijeku, Jugoistočna Evropa u kasnom srednjem vijeku, Bosna u ranom srednjem vijeku, Bosna u kasnom srednjem vijeku, IP Bosansko kraljevstvo i Osmansko carstvo, IP Vlasi u srednjovjekovnoj Bosni, Odnos crkve i države u srednjem vijeku, Srednjovjekovna civilizacija, Bosansko društvo u srednjem vijeku, Trgovina u srednjovjekovnoj Bosni, IP Stećci, IP Bosanska heraldička baština*), *UVOD U HISTORIJSKU NAUKU I POMOĆNE HISTORIJSKE DISCIPLINE* (predmet: *Pomoćne historijske discipline*), na Odsjeku za historiju Univerziteta u Sarajevu - Filozofski fakultet.

Potvrda stručne službe Sekretarijata Filozofskog fakulteta Univerziteta u Sarajevu je sastavni dio ovog Izvještaja (u skladu s članom 205. Statuta Univerziteta u Sarajevu).

KOMISIJA:

Esad Kurtović

1) Dr. Esad Kurtović, predsjednik

Emir Filipović

2) Dr. Emir Filipović, član

Z. Šehić

3) Dr. Zijad Šehić, član

